

Na osnovu člana 13. stav 2. tačka 9. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/ 09) član 19. stav 1. tačka 2. Statuta Općine Novo Sarajevo („Službene novine Kantona Sarajevo“, broj 35/010), člana 173. i 174. Poslovnika Općinskog vijeća Novo Sarajevo (Prečišćeni tekst) („Službene novine Kantona Sarajevo“, broj: 37/13) Općinsko vijeće Novo Sarajevo na 25. redovnoj sjednici održanoj dana 31.01.2019. godine donijelo je

ODLUKU

o izmjenama i dopunama Poslovnika Općinskog vijeća Novo Sarajevo

Član 1.

U članu 7. stav 1. Poslovnika Općinskog vijeća Novo Sarajevo - prečišćeni tekst („Službene novine Kantona Sarajevo“, broj: 37/13) mijenja se i glasi:

„Prvu sjednicu Vijeća u novom sazivu saziva predsjedavajući iz prethodnog saziva Vijeća i njome predsjedava sve do izbora novog predsjedavajućeg Vijeća.“

Član 2.

U članu 14. stav 2. mijenja se i glasi:

„Zamjenik predsjedavajućeg Općinskog vijeća svoju dužnost obavlja profesionalno ili volonterski, o čemu odluku donosi Vijeće.“

Član 3.

Podnaslov pod tačkom 3. „sekretar Vijeća“ se briše.

Član 16. mijenja se i glasi:

„Rukovodilac Službe za poslove Općinskog vijeća- Pomoćnik Općinskog načelnika- koji obavlja stručne i druge poslove za potrebe vijeća, postavlja se i razrješava dužnosti u skladu sa Zakonom o državnoj službi u Kantonu Sarajevo kojim je regulisana državna služba u Kantonu Sarajevo.“

Član 4.

Član 17. mijenja se i glasi:

„Državni službenik iz člana 16. ovog poslovnika je obavezan da pruža stručnu pomoć predsjedavajućem i zamjeniku predsjedavajućeg Vijeća u pripremanju sjednica Vijeća i organizaciji rada Vijeća, Kolegija Vijeća i radnih tijela Vijeća i u vezi s tim:

- pomaže predsjedavajućem u pripremanju sjednica i organizovanju rada Vijeća i radnih tijela,
- stara se o ostvarivanju prava i dužnosti vijećnika u Vijeću,
- saraduje sa nadležnim organima u pripremi za održavanje sjednica i Kolegija Vijeća,
- priprema sjednice Kolegija Vijeća,
- stara se o blagovremenom dostavljanju Vijeću izvještaja, mišljenja i amandmana dostavljenih od nadležnih tijela,
- preuzima od predsjedavajućeg prijedloge upućene Vijeću i daje ih na dalju obradu odgovarajućim organima,

- obezbjeđuje radnim tijelima Vijeća stručnu pomoć u vršenju njihovih funkcija i izradi zaključaka, rješenja i drugih akata iz njihove nadležnosti, u skladu sa zakonom propisanim rokovima,
- stara se o blagovremenom objavljivanju propisa i drugih akata koje je donijelo Vijeće, kao i dostavljanju zaključaka Vijeća nadležnim organima, radi njihovog provođenja,
- stara se o pravno-tehničkoj obradi akata vezanih za rad Vijeća,
- učestvuje u izradi programa rada Vijeća i izvještaja o radu Vijeća,
- učestvuje u pripremi teksta Statuta i Poslovnika Vijeća, u saradnji sa Komisijom za statut i propise,
- stara se o sastavljanju zapisnika sa sjednice Vijeća,
- određuje stepen povjerljivosti akata Vijeća i njegovih radnih tijela i stara se o pravilnoj primjeni Zakona o slobodi pristupa informacijama i Zakona o zaštiti ličnih podataka.
- vrši i druge poslove koje mu povjeri Vijeće i predsjedavajući Vijeća i Općinski načelnik.

U slučaju da je Rukovodilac Službe za poslove Općinskog vijeća- Pomoćnik Općinskog načelnika spriječen da prisustvuje sjednici Vijeća i Kolegija Vijeća, mijenja ga državni službenik kojeg odredi rukovodioc organa državne službe, u skladu sa Zakonom o organizaciji organa uprave u Federaciji BiH i Zakonom o državnoj službi Kantona Sarajevo.

Stručne i druge poslove za potrebe Vijeća, radnih tijela i vijećnika Vijeća vrši Služba za poslove Općinskog vijeća.

Član 5.

U članu 21. Poslovnika dodaje se novi stv 2. koji glasi:

„Odlukom Općinskog vijeća o naknadama vijećnicima i članovima radnihtijela će se urediti šta se smatra opravdanim, odnosno neopravdanim izostankom i način obračuna isplate naknade u vezi s tim.“

Član 6 .

U članu 22. stav 2. riječi: "i općinskih službi" brišu se, a stav 3. mijenja se i glasi:

“Vijećnička pitanja postavljaju se na sjednici Vijeća, u okviru posebne tačke dnevnog reda koja traje najviše 60 minuta. Vijećnička pitanja postavljaju se pismeno, a izuzetno, uz posebno obrazloženje, pitanje može biti postavljeno usmeno.

Iza stava 6. dodaje se novi stav 7. koji glasi:

„O inicijativi vijećnika iz predhodnog stava ovog člana, mora se pribaviti izjašnjenje Općinskog načelnika ili drugog nadležnog subjekta kojem je inicijativa upućena.“

Dosadašnji stav 7. i 8. postaju stav 8. i 9.

Član 7 .

U članu 23. stav 2. mijenja se i glasi:

Vijećnik ima pravo uvida u sve predmete predstavničkog i izvršnog organa u Općini, koji su potrebni za vršenje vijećničke funkcije.

Član 8.

U članu 24. dodaje se novi stav 3. koji glasi:

„Na zahtjev predsjedavajućeg ili rukovodioca Službe za poslove Općinskog vijeća- Pomoćnik Općinskog načelnika“, vijećnik se može opredijeliti da materijale iz stava 1. i 2. ovog člana dobija u elektronskoj ili pismenoj formi.“

Član 9.

U članu 25. riječi: „Stručnoj službi za poslove Vijeća i službama Općinskog načelnika“ zamjenjuju se riječima: „Službi za poslove Općinskog vijeća“.

U člani 25. stav 1. mijenja se i glasi:

„U cilju informisanosti, vijećnik ima pravo uvida u informativni i dokumentacioni materijal, koji se izrađuje i prikuplja u Vijeću, njegovim tijelima i Službama Općinskog načelnika, a u skladu sa Zakonom o slobodi pristupa informacijama i Zakonom o zaštiti ličnih podataka

U istom članu u stavu 3. riječi: „Službe za poslove Vijeća“ zamjenjuju se riječima: „Službe za poslove Općinskog vijeća“

Član 10.

U članu 26. stav 2. na kraju teksta briše se tačka i dodaju riječi: “na prijedlog „Rukovodioca Službe za poslove Općinskog vijeća- Pomoćnik Općinskog načelnika.“

Član 11.

U članu 27. stav 6. riječi: „sekretar Vijeća“ zamjenjuju se riječima: „Rukovodilac Službe za poslove Općinskog vijeća- Pomoćnik Općinskog načelnika.“

Član 12.

U članu 28. stav 1. riječi: “sekretara Vijeća“, brišu se i nastavlja postojeći tekst.

Član 13.

U članu 29. stav 3. iza riječi „legitimacija“ dodaje se tekst koji glasi:

„čiji izgled i sadržaj utvrđuje Vijeće posebnom odlukom.“

Član 14.

KLUB VIJEĆNIKA

Član 30. mijenja se i glasi:

U Vijeću se formiraju klubovi Vijećnika političkih stranaka, koalicija, nezavisnih kandidata i samostalnih vijećnika radi olakšanja rada Vijeća i unapređenja međustranačke parlamentalne saradnje.

Klubovi vijećnika formiraju se kao mehanizam djelovanja vijećnika i političkih partija.

Klub vijećnika može biti sastavljenj od vijećnika članova iste političke stranke, vijećnika članova iste političke koalicije, samostalnih vijećnika i vijećnika izabranih kao nezavisni kandidati.

Vijećnici dva ili više političkih subjekata koji u Vijeću imaju najmanje jednog vijećnika, samostalni vijećnici i vijećnici izabrani kao nezavisni kandidati, mogu formirati zajednički klub vijećnika od najmanje dva člana.

U toku mandatnog perioda mogu se formirati i klubovi vijećnika /vijećničke grupe od vijećnika koji su shodno izbornom zakonodavstvu postali samostalni vijećnici, ili pristupili jednom od formalnih posebnih klubova vijećnika/vijećničkih grupa.

Vijećnik može biti član samo jednog kluba vijećnika koji participira u radu Općinskog vijeća, dok u slučaju da se broj vijećnika smanji ispod potrebnog broja, klub vijećnika prestaje da djeluje.

Svaki klub vijećnika ima pravo na budžetska sredstva namijenjena za rad klubova. Općinsko vijeće obezbjeđuje prostorne uslove za rad klubova vijećnika, kao i neophodna finansijska sredstva za njihove aktivnosti, što se bliže određuje posebnom odlukom.

O formiranju kluba vijećnika/vijećničke grupe, predsjedavajućem Općinskog vijeća dostavlja se spisak sa podacima o nazivu kluba vijećnika/vijećničke grupe, ime predsjednika i zamjenika predsjednika kluba vijećnika/vijećničke grupe i imena članova kluba vijećnika/vijećničke grupe, potpisan od strane svih vijećnika koji ga čine, uz naknadnu obavijest o svakoj promjeni.

Član 15.

Član 31. se briše.

Član 16.

U članu 32. dodaje se novi stav 4. koji glasi:

„Radu Kolegija prisustvuje Rukovodilac Službe za poslove Općinskog vijeća- Pomoćnik Općinskog načelnika, bez prava odlučivanja.“

Član 17.

U članu 34. stav 7. mijenja se i glasi :

„Rukovodilac Službe za poslove Općinskog vijeća- Pomoćnik Općinskog načelnika, vodi zapisnik na sjednicama Kolegija.“

U istom članu dodaje se novi stav 8. koji glasi:

“odluka je izglasana ako je za nju glasala nadpolovična većina od ukupnog broja članova Kolegija.“

U istom članu dodaje se novi stav 9. koji glasi:

„Ukoliko Kolegij glasanjem ili konsenzusom ne donese odluku, u tom slučaju predsjedavajući Vijeća će donijeti konačnu odluku“.

U istom članu na kraju teksta, dodaje se novi stav koji glasi:

„ Kolegij za svoj rad na sjednici, ostvaruje pravo na naknadu u skladu sa odlukom Vijeća.“

Član 18.

U članu 37. stav 3. iza riječi „članova“ uvode se nove riječi koje glase „odnosno dva člana „ i nastavlja postojeći tekst.

Član 19.

U članu 41. stav 2 iza riječi „materijala“ dodaje se riječ „isključivo“ , iza riječi „dnevni red“ dodaje se riječ „sjednice“ i nastavlja postojeći tekst.

U istom članu dodaje se novi stav 3. koji glasi:

„Po potrebi predsjedavajući Vijeća može sazvati sjednicu radnog tijela“

Dosadašnji stav 3. postaje stav 4.

Član 20.

U članu 43. stav 1. riječi „odluka drugog „ brišu se i nastavlja postojeći tekst.

U istom članu stav 2. riječ „odluka“ briše se i nastavlja postojeći tekst.

U istom članu stav 3, poslije riječi „predlagač“ riječ „akata“ briše se i nastavlja postojeći tekst.

Član 21.

U članu 47. stav 2. ispred riječi "Izborne" dodaju se riječi „Centralne“ i nastavlja postojeći tekst.

Član 22.

Iza člana 47. dodaje se novi član 47-a, koji glasi:

„Pored stalnih i povremenih radnih tijela Vijeća može se formirati i zdravstveni savjet u skladu sa odredbama Zakona o zdravstvenoj zaštiti.

Broj članova i djelokrug rada zdravstvenog savjeta utvrđuje Vijeće posebnom odlukom.“

Član 23.

U članu 48. stav 1. tačka 2. mijenja se i glasi:

“Komisija za izbor i imenovanje i javna priznaja” .

U isto članu stav 1. tačka 3. mijenja se i glasi

“Komisija za ljudska prava, slobode i rodnu ravnopravnost“

U istom članu stav 1. tačka 7. mijenja se i glasi:

“Komisija za odnose sa mjesnim zajednicama i zaštitu čovjekove okoline“.

U istom članu stav 1. Uvodi se nova tačka 11. i glasi:

„Komisija za urbanizam i upotrebu lokalnog zemljišta“

Postojeća tačka 11. postaje tačka 12.

Član 24.

U članu 49. stav 1. alineja 15. mijenja se i glasi:

„Priprema zahtjev Vijeća za zaštitu prava na lokalno samoupravu pred Ustavnim sudom Federacije,“

U istom članu stav 1. alineje 5., 8., 9. i 11 riječi „odluka i drugih“ brišu se i nastavlja postojeći tekst.

Član 25.

U članu 50. stav 1. alineja 3. briše se.

U istom članu, dodaje se novi stav 2. koji glasi:

„O žalbi na rješenje Komisije za izbor i imenovanja i mandatska pitanja, kojim je rješavano pitanje iz radno-pravnog statusa, rješava Vijeće kao drugostepeni organ.“

U istom članu stav 1. i alineja 1 riječi „imunitetska“ brišu se i nastavlja postojeći tekst;

U istom članu stav 1. alineja 2. riječi „odlukom i drugim“ briše se i nastavlja se postojeći tekst;

U istom članu stav 1. alineja 3 i alineja 10. riječ „imunitetska“ brišu se,

U istom članu stav 1. alineja 2. riječ „predlaže“ se zamjenjuje riječima „utvrđuje prijedloge akata za izbor i imenovanje“ i nastavlja postojeći tekst;

U istom članu stav 1. alineja 4. iza riječi „u općini“ upisati kosu crtu i dodati riječi „Općinskom vijeću“ i nastavlja se postojeći tekst.

U istom članu stav 1. alineja 5. iza riječi „organa i organizacija“ uvode se nove riječi „Općine/Općinskog Vijeća“,

U istom članu stav 1. alineja 6. iza riječi „funkcionerima Općine“ uvesti i riječi „Općinskog vijeća“ i nastavlja se postojeći tekst;

U istom članu stav 1. alineja 7. na kraju teksta, iza zareza uvode se nove riječi koje glase:

„donosi mišljenja, zaključke i rješenja u prvostepenom postupku“

U istom članu stav 1. iza alineje 10. uvodi se nova alineja 11. koja glasi:

„razmatra inicijative i prijedloge akata za dodjelu Općinskih priznanja i utvrđuje prijedlog za dodjelu“.

Član 26.

U članu 51. stav 1. alineja 1. mijenja se i glasi:

„Razmatra pitanja koja se odnose na kršenje osnovnih ljudskih prava i sloboda utvrđenim međunarodnim konvencijama, a za koja sazna putem predstavki i pritužbi građana i izvještaja općinskih organa nadzora.“

Alineje „8.,9.,10.,13.,14. i 19.“ se brišu, a alineja 16. mijenja se i glasi :

„Ostvaruje saradnju sa vjerskim zajednicama i crkvama radi zaštite njihovih prava i sloboda“.

Dosadašnje alineje „15. do 18.“ postaju alineje „8. do 11.“

Član 27.

U članu 52. stav 1. alineja 3. mijenja se i glasi :

„Predlaže mjere i aktivnosti na suzbijanju maloljetničke delikvencije, narkomanije i drugih oblika delikvencije.“

Član 28.

U članu 53. stav 1. iza alineje 8. uvodi se nova alineja 9. koja glasi:

“branioci (alineja 10), dobrovoljci (alineja 11), organizatori otpora (alineja 12) veterani“ i dalje nastavlja postojeći tekst.

U istom članu u stavu 1. u alineji 9. i 11. umjesto riječ „populacija“ zamjenjuje se riječju „kategorija“;

U istom članu stav 1. postojeća alineja 10. iza riječi „oblasti“ dodati nove riječi koje glase : “u cilju poboljšanja položaja navedenih kategorija“;

U istom članu stav 1. postojeće alineje 13 iza riječi „udruženjima“ dodje se novi tekst koji glasi: „sa statusom od posebnog interesa i društvenog značaja“

U istom članu stav 1. posljednja alineja, mijenja se i glasi: “vrši i druge poslove iz svoje nadležnosti u skladu sa zakonom i drugim propisima“

Član 29.

U članu 54. mijenja se i glasi:

Komisija za budžet i finansije:

- razmatra nacrt i prijedlog budžeta, nacrt i prijedlog odluke o izvršavanju budžeta, izvještaje o izvršenju budžeta i završni račun Općine,
- razmatra amandmane na budžet i na odluku o izvršavanju budžeta,
- razmatra informaciju o ostvarivanju prihoda i rashoda Općine na mjesečnom nivou,
- razmatra informaciju o izvršenju budžeta Općine na kvartalnom, polugodišnjem i godišnjem nivou,
- razmatra izvještaje raspolaganja i korištenja finansijskih i budžeskih sredstava od strane korisnika tih sredstava,
- Ostvaruje uvid u provođenje odluka i primjenu akata o raspolaganju Općinskom imovinom, posebno u nadležnosti upravljanja općinskim приходima i izdacima i vrši uvid u finansijsku dokumentaciju, te na osnovu toga podnosi izvještaj Vijeću,
- razmatra prijedloge propisa kojima se uređuju pitanja prihoda i rashoda,
- predlaže mjere i aktivnosti za poboljšanje stanja u realizaciji prihoda, rashoda i korištenje sredstava i imovine Općine,

- razmatra izvještaje revizije Općine i subjekata koji su koristili budžeska sredstva Općine,
- razmatra Plan javnih nabavki,
- razmatra izvještaj o radu i finansijski izvještaj subjekata čiji je osnivač općina Novo Sarajevo,
- vrši i druge poslove iz oblasti finansija i budžeta, određene ovim Poslovníkom i drugim aktima Vijeća.

Član 30.

Član 55. mijenja se i glasi:

„Komisija za odnose sa mjesnim zajednicama i zaštitu čovjekove okoline:

- razmatra inicijative za obrazovanje mjesnih zajednica i cijeni njihovu opravdanost
- utvrđuje prijedloge odluke o osnivanju mjesne zajednice odnosno prijedlog odluke o neprihvatanju inicijative za osnivanje mjesne zajednice.
- razmatra pitanje postupka obrazovanja mjesnih zajednica
- izvještava Općinsko vijeće o učešću vijećnika u radu organa mjesnih zajednica u kojoj ima prebivalište.
- daje mišljenja i prijedloge o utvrđivanju imena ulica, trgova, naselja, mostova i drugih objekata na području Općine;
- razmatra problematiku i predlaže rješenja za unapređenja zaštite čovjekove okoline;
- potiče mjere i aktivnosti građanske inicijative za jačanje brige za ekologiju očuvanje i zaštitu čovjekove okoline;
- prati realizaciju projekata iz oblasti zaštite čovjekove okoline u saradnji sa nadležnom službom Općine;
- vrši i druge poslove iz svoje nadležnosti utvrđene, Statutom i ovim Poslovníkom.

Član 31.

U članu 56. stav 1. alineja 6. briše se.

Član 32.

U članu 58. stav 1. u alineji 1. u prvom redu, iza riječi „stepenu“ dodaju se riječi: „u upravnom postupku“.

Član 33.

Uvodi se novi član 59. koji glasi:

„ 11. Komisija za urbanizam i upotrebu lokalnog zemljišta

Komisija za urbanizam i upotrebu lokalnog zemljišta:

- razmatra pitanja uređenja prostora i zaštite čovjekove okoline, prostornog i urbanističkog planiranja, upotrebe lokalnog zemljišta i dobara u općoj upotrebi, zaštitu kulturno istorijskog naslijeđa i upravljanje prirodnim resursima,
- razmatra prijedloge i daje mišljenje iz oblasti prostornog i urbanističkog planiranja na nivou Općine,
- saraduje sa nadležnim općinskim i gradskim službama u skladu sa Zakonom o prostornom uređenju

- Obavještava Općinsko vijeće o zapažanjima u radu iz djelokruga Komisije,
- razmatra i druga pitanja iz oblasti prostornog uređenja.

Članovi ove komisije biraju se iz reda stručnih radnika i po postupku utvrđenim ovim poslovnikom.“

Član 34.

U postojećem članu 59. na kraju teksta zadnje alineje briše se tačka i uvodi novi tekst koji glasi: „ iz svoje nadležnosti.“

Član 35.

U članu 60. stav 1. briše se.

Ostali stavovi pomjeraju se za jedno mjesto.

Član 36.

U članu 61. u stavu 3. u predposljednjem redu, iza riječi predsjedavajući brišu se riječi „sekretar vijeća“ i zamjenjuju riječima „državni službenik iz člana 16. ovog poslovnika“.

Član 37.

U članu 63. u stavu 1. riječi „sekretar vijeća“ se briše i zamjenjuju riječima „Rukovodilac Službe za poslove Općinskog vijeća- Pomoćnik Općinskog načelnika“.

Član 38.

U članu 68. riječi „sekretar vijeća“ se brišu i zamjenjuju riječima „Rukovodilac Službe za poslove Općinskog vijeća- Pomoćnik Općinskog načelnika.“

U istom članu riječi „svoje“ se briše i nastavlja postojeći tekst.

Član 39.

U članu 69. stav 1. riječi „sekretar vijeća“ se zamjenjuju riječima „Rukovodilac Službe za poslove Općinskog vijeća- Pomoćnik Općinskog načelnika“.

Član 40.

U članu 76. stav 2. se briše.

U istom članu stav 4. postaje stav 3. mijenja se i glasi:

„Vijećniku koji želi da govori o povredi Poslovnika ili o nepridržavanju dnevnoga reda (poslovnička intervencija), predsjedavajući daje riječ odmah“.

U istom članu stav 5. iza riječi „predsjedavajući“ uvodi se nova riječ koja glasi „Vijeća“

Član 41.

Član 79. mijenja se i glasi:

„ Izlaganje vijećnika i njegova diskusija može da traje do 5 (pet) minuta.

Izuzetno predsjedavajući Vijeća može odobriti vijećniku da govori, po drugi put, o istom pitanju, najduže do tri (3) minute, ali nakon okončanja diskusije svih učesnika u raspravi koji se prvi put javljaju za riječ.“

Član 42.

U članu 82. stav 1. riječ "poslu" zamjenjuje se sa riječi "dužnosti," i nastavlja se postojeći tekst.

Član 43.

U članu 83. stav 1. riječ „pošto“ zamjenjuje se sa riječima: "nakon što" i nastavlja postojeći tekst.

U članu 83. stav 2. mijenja se i glasi:

“presjedavajući Vijeća nakon utvrđivanja kvoruma saopštava koliko je vijećnika prisutno sjednici, odnosno odsutnih vijećnika”

Član 44.

U Članu 85 .stav 2. mijenja se i glasi:

„Svaki vijećnik ima pravo da ,na narednoj sjednici, stavi primjedbe na zapisnik”

Član 45.

U članu 87. stav 2. riječ: "vijećnici" mijenja se sa riječi :“Vijeće”

Član 46.

U članu 90. stav 3. riječi: "se uzdržava od glasanja" mijenjaju se sa riječima: "je suzdržan".

Član 47.

U članu 91. stav 3. riječ: "uzdržava se od glasanja" mijenja se sa riječima: "je suzdržan".

Član 48.

U članu 93. stav 5. iza riječi verziji „sekretar vijeća“ se briše i zamjenjuje riječima: Rukovodilac Službe za poslove Općinskog vijeća- Pomoćnik Općinskog načelnika.

Član 49.

U članu 94 . stav 1. mijenja se i glasi:

„zapisnik se sačinjava po završetku sjednice i upućuje svim vijećnicima sa pozivom za narednu sjednicu”.

U istom članu stav 2. briše se.

U istom članu stav 3. briše se.

U istom članu stav 4. briše se

U istom članu stav 5. riječi „sekretar Vijeća“ se briše i zamjenjuje riječima: „Rukovodilac Službe za poslove Općinskog vijeća- Pomoćnik Općinskog načelnika”.

U istom članu stav 5. postaje stav 2.

Član 50.

U članu 120. dodaje se novi stav 3. koji glasi:

„Izmjene i dopune odluke iz stava 1. ovog člana mogu se vršiti nakon šest mjeseci od njenog stupanja na snagu, ako organ za njenu primjenu i pripremanje uoči nedostatke proistekle iz prakse koji su takve prirode da opravdavaju izmjene, što mora biti obrazloženo.“

Dosadašnji stav 3. i 4. postaje stav 4. i 5.

Član 51.

U članu 124 . stav 1. riječ „originalom“ se briše i nastavlja postojeći tekst.

U članu 124 . stav 2. mijenja se i glasi:

„Izvornici propisa i akata čuvaju se u Vijeću u printanoj i elektronskoj formi na odgovarajućem serveru.

U članu 124 . stav 3. riječ „odluka“, briše se i nastavlja postojeći tekst.

Član 52.

U članu 125. dodaje se novi stav 3. koji glasi:

„Predsjedavajući Vijeća utvrđuje koji će propisi i akti koje donosi Vijeće, biti objavljeni na web stranici Općine“, poštujući zakonske odredbe Zakona o zaštiti ličnih podataka

Član 53.

U članu 127. stav 1. riječi: „jedinственim pravilima za izradu pravnih propisa, institucijama BiH („Službeni glasnik BiH“, broj 11/05) zamjenjuju se riječima „u skladu sa Pravilima i postupcima za izradu zakona i drugih propisa Federacije Bosne i Hercegovine“.

Član 54 .

U članu 129. stav 2. mijenja se i glasi:

„Predsjedavajući Vijeća dostavlja vijećnicima i Općinskom načelniku izvještaj iz stava 1. ovog člana, uz poziv i materijale za sjednicu Vijeća“.

Član 55.

U članu 130. stav 3. riječi: „članu 114“. zamjenjuju se sa riječima: „član 146.“ i nastavlja postojeći tekst.

Član 56 .

Član 132. mijenja se i glasi:

„Pravo na podnošenje nacrti i prijedloga propisa i akta koje donosi Vijeće, ima predsjedavajući Vijeća, klub vijećnika, svaki vijećnik, radna tijela Vijeća i Općinski načelnik“.

Član 57 .

U članu 133. stav 3. riječi „jedinственa pravila za izradu pravnih propisa u institucijama Bosne i Hercegovine („Službeni glasnik BiH“, broj 11/05)“ briše se i zamjenjuju riječima „Pravilima i postupcima za izradu zakona i drugih propisa Federacije Bosne i Hercegovine“.

Član 58 .

U članu 134. stav 1. mijenja se i glasi:

„prijedlog akta sadrži obrazloženje koje obuhvata naročito pravni osnov za donošenje akta, razloge zbog kojih treba donijeti akt, pitanja koja se prijedlogom rješavaju, objašnjenja osnovnih pravnih rješenja, podatke o finansijskim sredstvima za provođenje akta i njihovo obezbjeđenje i eventualne posljedice za materijalni i drugi položaj“.

U članu 134. stav 2. mijenja se i glasi:

„Kada se prijedlogom akta vrše izmjene ili dopune akta, uz prijedlog se daje i tekst odredaba akata koji se mijenjaju odnosno dopunjuju“.

Član 59.

U članu 141. stav 1. mijenja se i glasi:

„Izuzetno, određeni akt može se donijeti po hitnom postupku, u kojem se ne primjenjuju rokovi propisani za pojedine radnje u redovnom postupku“.

Član 60.

U tekstu članova od 136. do 156. riječ "odluke" zamjenjuje se sa riječi "akta".

Član 61.

U članu 149. stav 2. riječ "pismeno" zamjenjuje se sa riječima "u pisanoj formi".

U članu 149. stav 3. oznaka „tačka“ briše se i dodaju riječi "i potpisan od ovlaštenog ponosioca".

Član 62.

U članu 150. stav 1. riječi: "prijedlog Odluke" zamjenjuju se sa riječi "prijedloge" i u nastavku riječi "odluci" zamjenjuje se sa riječi "akta".

Član 63.

U članu 151. dodaje se novi stav – stav 3. koji glasi:

„amandman iz stava 1. ovog člana, ne može se mijenjati na samoj sjednici“.

Član 64.

U članu 156. stav 3. briše se.

Član 65.

Član 157. stav 1. iza riječi „tumačenja“ brišu se riječi „odluke, drugih“ i nastavlja postojeći tekst.

Član 66.

U članu 159. stav 1. riječi "odluke ili drugog akta" mijenjaju se sa riječima "propisa ili akata" i nastavlja postojeći tekst.

Član 67.

U članu 164. riječi "odlukama, drugim" brišu se i nastavlja se postojeći tekst.

U istom članu riječi „sekretar Vijeća“ se zamjenjuju riječima „Rukovodilac Službe za poslove Općinskog vijeća- Pomoćnik Općinskog načelnika“.

Član 68.

Član 166. mijenja se i glasi:

Prečišćeni tekst akta se primjenjuje od dana kada je objavljen u "Službenim novinama Kantona Sarajevo", a važnost njegovih odredaba utvrđena je u aktima koji su obuhvaćeni prečišćenim tekstom.

Kada se nakon objavljivanja prečišćenog teksta akta predloži Vijeću izmjena ili dopuna akta, ove izmjene i dopune predlažu se na odnosne odredbe u prečišćenom tekstu akta sa navođenjem broja "Službenih novina Kantona Sarajevo" u kojem je objavljen prečišćeni tekst.

Na isti način se postupa kada je utvrđen novi prečišćeni tekst akta, s tim što se naznačava da se radi o novom prečišćenom tekstu akta.

U prvom novom prečišćenom tekstu ne naznačava se redni broj, a u svakom narednom prečišćenom tekstu akta naznačava se i odnosni redni broj tog prečišćenog teksta akta.

Član 69.

U članu 167. stav 1. iza riječi "drugih općina" dodaju se riječi "i Savezom općina i gradova Federacije BiH" i nastavlja se postojeći tekst.

Član 70.

XIV - Poglavlje stručna služba Vijeća, se briše

Član 172. se briše.

U članu 174. stav 2. riječ "promjeni" mijenja se sa riječima „izmjenama i dopunama“ i nastavlja postojeći tekst.

Član 71.

Član 175. mijenja se i glasi:

„U cijelom tekstu Poslovnika, riječi „Sekretar Vijeća“ zamjenjuju se riječima: „Rukovodilac Službe za poslove Općinskog vijeća- Pomoćnik Općinskog načelnika“ u odgovarajućem padežu.

U cijelom tekstu Poslovnika, riječi „Stručna služba za poslove Općinskog vijeća“ zamjenjuje se riječima „Služba za poslove Općinskog vijeća“ u odgovarajućem padežu.“

Član 72.

„Danom stupanja na snagu Odluke o izmjenama i dopunama Poslovnika Općinskog vijeća Novo Sarajevo prestaju da važe odredbe članova Poslovnika Općinskog vijeća Novo Sarajevo koje su ovom Odlukom izmjenjene“.

Član 73.

Iza člana 176. dodaje se novi član 176 a. i glasi:

„Tekst ovog Poslovnika podjednako se odnosi na osobe muškog i ženskog spola, bez obzira na rod upotrijebljene imenice“.

Član 74.

Komisija za statut i propise utvrdit će novi prečišćeni tekst Poslovnika Općinskog vijeća Novo Sarajevo u roku od 30 dana od dana stupanja na snagu Odluke o izmjenama i dopunama Poslovnika Općinskog vijeća Novo Sarajevo.

„Novi prečišćeni tekst Poslovnika Općinskog vijeća Novo Sarajevo, objavit će se u Službenim novinama Kantona Sarajevo“.

Član 75.

Ova Odluka stupa na snagu osmog dana od dana objavljivanja u „Službenim novinama Kantona Sarajevo“.

Broj: 01-02- 88 /19
Sarajevo, 31.01.2019. godine



Predsjedavajuća
Općinskog vijeća Novo Sarajevo
Baltić Ana